

Na osnovu člana 16. stav (1) i člana 17. stav (2) Zakona o Vladi Hercegovačko – neretvanskog kantona („Službene novine HNK“, broj: 3/07 i 5/09), člana 28. stav (6) Zakona o koncesijama Hercegovačko – neretvanskog kantona („Službene novine HNK“ broj: 1/13, 7/16, 6/18, 9/19 i 1/21), na prijedlog Ministarstva privrede Hercegovačko-neretvanskog kantona, Vlada Hercegovačko-neretvanskog kantona je na 22. sjednici, održanoj dana 03.07.2024.godine, donijela:

**ODLUKU O DODJELI KONCESIJE  
ZA OBAVLJANJE ELEKTROPRIVREDNE DJELATNOSTI PROIZVODNJE  
ELEKTRIČNE ENERGIJE IZGRADNJOM ELEKTROENERGETSKIH OBJEKATA  
FOTONAPONSKIH ELEKTRANA  
PIJESCI 1, PIJESCI 2, PIJESCI 3, NA LOKALITETU PIJESCI I GUBAVICA, GRAD  
MOSTAR**

**I**

Vlada Hercegovačko – neretvanskog kantona (u daljem tekstu: Koncesor), dodjeljuje privrednom društvu SIVRIĆ d.o.o. Mostar (u daljem tekstu: Koncesionar), koncesiju za obavljanje elektroprivredne djelatnosti proizvodnje električne energije izgradnjom elektroenergetskih objekata fotonaponskih elektrana, kako slijedi:

- PIJESCI 1, instalisane snage 2 MW na k.č. 351 k.o. Pijesci;
- PIJESCI 2, instalisane snage 4,999 MW na k.č. 300/2 k.o. Pijesci;
- PIJESCI 3, instalisane snage 4,999 MW na k.č. 300/1 k.o. Pijesci i k.č. 943 i 960 k.o. Gubavica.

**II**

- (1) Koncesija se dodjeljuje na period od 30 (trideset) godina.
- (2) Rok trajanja koncesije počinje teći od prvog dana perioda važenja dozvole za rad za proizvodnju električne energije.
- (3) Koncesija prestaje istekom tridesete godine od dana početka trajanja koncesije.

**III**

- (1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede Hercegovačko – neretvanskog kantona.
- (2) Krajnji rok za potpisivanje ugovora iz stava (1) ovog člana je 60 dana od dana konačnosti ove Odluke.
- (3) Eventualne izmjene i dopune ugovora o koncesiji, te raskid ugovora o koncesiji, ukoliko za to nastanu zakonski uslovi, vrši se na isti način i postupak kao kod zaključenja ugovora.

**IV**

- (1) Jednokratna koncesiona naknada iznosi:
  - za PIJESCI 1, instalisane snage 2 MW iznosi 7.935,04 KM (slovima: sedamhiljadadevetstotinatridesetpetkonvertibilnihmaraka i 04/100);
  - za PIJESCI 2, instalisane snage 4.999,00 MW iznosi 14.294,40 KM (slovima: četrnaesthiljadadvijestotinedevadesetčetirikonvertibilnemarka i 40/100);
  - za PIJESCI 3, instalisane snage 4.999,00 MW iznosi 14.294,40 KM (slovima: četrnaesthiljadadvijestotinedevadesetčetirikonvertibilnemarka i 40/100).

(2) Tekuća (godišnja) koncesiona naknada za korištenje obnovljivih izvora i obavljanje djelatnosti (TKN) obračunavat će se prema formuli:  $TKN=0,03 \times GBP \times 0,05 \times \sum B$  (14,35-zbir dopunskih kriterija).

(3) Sredstvo obezbjeđenja za izvršavanje obaveza plaćanja jednokratne i tekuće (godišnje) koncesione naknade je bezuslovna bankarska garancija za svaku vrstu naknade posebno i to u vrijednosti iznosa ovih naknada, a ugovorom o koncesiji pobliže će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

## V

(1) Koncesiona djelatnost obavljat će se na način i pod uslovima propisanim svim zakonskim propisima koji regulišu oblast električne energije i izgradnje elektroenergetskih postrojenja ove vrste.

(2) Zakonski propisi i standardi koji regulišu pitanja građenja, zaštite okoliša, vodoprivrede, šumarstva, poljoprivrede i zaštite na radu, su također obavezujući za Koncesionara.

## VI

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje, na svoj trošak i na svoj rizik, ishodovati sve dozvole/saglasnosti koje su propisane posebnim zakonima iz tačke 5. ove Odluke, ukoliko postoje zakonske obaveze i uslovi za ishodovanje i fotokopije istih dostaviti Koncesoru u roku od 15 dana po pravosnažnosti;
- b) da će se ugovor o koncesiji raskinuti pod uslovima predviđenim Zakonom o koncesijama Hercegovačko – neretvanskog kantona, ako koncesionar tri godine za redom proizvede na godišnjem nivou manje od 20% od planirane godišnje proizvodnje električne energije, ako koncesionar nije u roku od dvije godine od dana potpisivanja ugovora pribavio dozvole/saglasnosti navedene u alineji a) ove tačke ugovor će se smatrati jednostrano raskinutim na štetu koncesionara, ako su dozvole/saglasnosti pravosnažnim rješenjem nadležnog organa stavljene van snage ili poništene za vrijeme trajanja ugovora ugovor će se smatrati jednostrano raskinutim danom pravosnažnosti rješenja, na štetu koncesionara;
- c) za slučaj prestanka koncesionog odnosa a zbog okolnosti za koje je kriv koncesionar, resorno ministarstvo koje vrši nadzor će rješenjem utvrditi obaveze koncesionara da predmet koncesije/koncesiono područje iz člana 1. Ugovora vrati u prvobitno stanje i nadoknadi eventualnu štetu koja je nastupila na istom.
- d) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- e) da se dodijeljena koncesija može prenijeti na drugo pravno lice u skladu sa Zakonom o koncesijama Hercegovačko – neretvanskog kantona i uslovima iz Ugovora;
- f) sve druge odredbe propisane članom 32. Zakona o koncesijama Hercegovačko – neretvanskog kantona, kao i one koje su od značaja za predmetnu koncesiju.

## VII

Nezadovoljni podnosilac prijedloga za dodjelu koncesije na osnovu samoinicijativne ponude, može u roku od 15 dana od dana prijema ove Odluke putem Ministarstva privrede HNK, Vladi Hercegovačko – neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko – neretvanskog kantona.

**VIII**

Ova Odluka objavit će se u „Službenim novinama Hercegovačko – neretvanskog kantona“, a stupa na snagu danom njene konačnosti.

**Bosna i Hercegovina**  
**Federacija Bosne i Hercegovine**  
**HERCEGOVAČKO-NERETVANSKI KANTON**  
**V L A D A**

**Broj: 01-1-02-1637/24**  
**Mostar, 03.07.2024.godine**

**P R E D S J E D N I C A**  
**Marija Buhač**